

dapat man nga sal-i ku *c* sa mga *sílaba* nga *ce*,
nga gikan sa kinatsila.

W

Sa inakeanon indì dapat nga mag sunod ro *o* ag *u* sa *a*, *e*, *i*, *o*, ag *u* kon ro limog nga *o*, *u* hay gina impon sa *a*, *e*, *i*, *o*, ag *u*, ay kon ga sunod ro daywang ka *vocal* hay dí dapat pag imponon do andang limog kon basahon; dapat mitlangon nga bueág, o balang isaeá kanda basahon nga bukon it angot da limog ku isaeá sa isaeá. Pananglitan: *Tuó*, *baeutian*, *ginuo*, nga kon basahon hay *taó*, *baeti-an*, *ginu*, ag bukon it *taw*, *baeatyan*, *ginuw*.

Kon do *o* *o* *u* gina impon do andang limog sa *vocal* nga naga una o naga sunod kanda—rikara ro limog nga *o* ginakabig nga *consonante*—hay dapat isueát nga *W*. Pananglitan: *Tawo*, *bawae*, *bawi*, *awa*, *kahikaw*, *kawkaw*, *kawhat*, *wali*, *kiwit*.

Y

Ro letra ngará hay gina gamit ra limog nga katumbas ku *i* kon ro limog nga *i* hay wat duga-lingon nga limog (*consonante*) o ra limog hay gina angot sa ana ku bokal nga gauna kana o gasunod. Halimbawa: “Bisaya, kalipay, kayuyom.”

Gina gamit man nga apid sa *n* (raya gauna) nga kasal-i ku *n* nga kinatsila; ngani ro *bunyang* hay isueat it *ny* ag bukon it *buñag*.

Gina gamit man nga kasal-i ku *ll* nga kinatsila, kamana sa *caballo*, *llave* nga sa inakeanon